

中國東方文化研究會歷史文化分會編

江蘇古籍出版社

歷代碑誌叢書

中國東方文化研究會歷史文化分會編

歷代碑誌叢書

第十六冊

江蘇古籍出版社

歷代碑誌叢書第一六冊目次

山右石刻叢編四十卷(二)

〔清〕胡聘之輯
清光緒二十七年刊本

一

山右冢墓遺文二卷附補遺一卷

〔民國〕羅振玉輯
民國自刊本

三八五

隴右金石錄十卷附校補一卷

〔民國〕張維撰
民國三十二年甘肅省文獻徵集委員會排印本

四三三

山右石刻叢編卷二十四

遷出墓後葬於縣署前山右石刻叢編卷二十四

李君墓志

碑高一尺五寸廣一尺七寸二十七行行二十六字至二十七字不等正書今在崞縣

惟君稟育異常施為軼眾慨慨成家不減古人之德慈教子首崇先聖之文內事其親者宗族稱其孝外周其急者鄉黨稱其仁由是家風地產庫帛廩粟較之曩日加之數倍不其偉歟娶陽白里韓氏三從四德不踰其矩蓋紫府之名家生男二人長曰居中先娶裴邑衛氏早天生孫男曰鳳郎娶常氏生曾孫男二人宜孫壽孫孫女瓊珠再娶曰王氏生孫男二人顯孫四漢次男曰居禎字伯祥女三人長適古襄薄

山右石刻叢編卷二十四

氏次適平原馬氏次適本里樊氏自遭兵火之起其間或降年有永有不永者不可細陳略畚大槩而言之惟次男居禎常與鄉人而言曰人之富貴壽之修短皆係乎天也豈在人而強為之鄉人由是異之曰此人語有大志後必榮耀乎自後果獨纂承其緒夙夜祗懼不遑啓居念前人創業之初庶克守成於後幸遘

大蒙古國龍興創業垂統拓土開疆出師境外万斧万全百戰百勝雖千古以來未之有也兼蒙 太師國王都行省割付起立崞州首斧居禎超授廣威將軍克即度判官行右副元帥懸帶金牌便宜行事娶本里樊氏自幼結髮為姻一生深喜佛教歆結善緣生孫男二人長曰安國精於狐矢娶蘭氏生曾孫男曰高奴女曰奉蓮次孫男曰榮孫女曰俊英

次娶曰張氏生孫男曰安兒自幼削髮為僧曰念女曰梅兒抑又次焉者栗氏郝氏皆當世之名家是從來之首戶獨此各族皆獲身榮而福享位高而祿厚豈非先君積善所致邪於是念先君撫我之勞育我之厚兼享年七旬以上以疾終於家乃卜良辰歸葬於南原先塋之側以韓氏附焉迄今日月逾邁累欽揚切頌德□乏便風今則特撥煩冗罄平日所積乃命工藝塹建幢刻石勒文以□事之美用傳於後迺為銘曰

彼美李公 性賦其聰 交結□□ 孝尽於中 訓子以義 繼父之風 美全道備 用足財□ 積善於始 獲福於終 貞石勒文 令譽無窮

維大蒙古國皆王辰歲律應林鍾寅生十一葉良時崞州

山右石刻叢編卷二十四

即度判官孝男居禎建

木生里鄉貢進士劉旭字德輝跋

古襄迴鳳里石匠邢□□刊

校碑前無標目崞縣志李元帥居禎墓在縣治東七十里

銅都莊村校即此碑惟詳繹碑文係居禎為葬其父而立

非即居禎之墓縣志似誤碑首言惟君稟育異常施為軼

眾家風地產庫帛廩粟較之曩日加之數倍此即頌居禎

之父蓋以殖產起家者碑又云生男二長曰居中 孫男鳳

男宜孫壽孫 次曰居禎遵大蒙古國龍興拓土開疆出師

境外百戰百勝兼蒙太師國王都行省割付起立崞州元

史穆呼哩傳丁丑八月詔封太師國王都行省承制行事

戊寅自西京由太和嶺入河東攻太原忻代悉降之 金史地理

志代州有崞縣元史地理志冀甯路崞州本崞縣元太宗十四年升崞州校太宗十四年為鄒瑪真后稱制之元年以此碑考之則丁丑後已立崞州不得至太宗朝方升為州可補史闕碑又云超授廣威將軍充節度判官行右副元帥懸帶金牌便宜行事校金史元史均不見崞置節度事遺山集朝元觀記國兵以庚辰冬破絳陽及解梁屬邑當是時崞山軍節度閻侯德剛經畫略定境內休息此庚辰前已置崞山節度之證居禎為節度判官即德剛之佐元初更改地名極多如臨為大定府平遙縣為平安州忻為九原府及此碑立崞州之類皆可與史相參證碑又云生孫男二人長安國曾孫男次榮安兒末云先君享年七旬以上疾終於家後題惟大蒙古王辰歲律應林鍾莫生十一葉

山右石刻叢編卷二十四

三

崞州節度判官孝男居禎建木生里鄉貢進士劉旭字德輝跋按元至世祖始建國名故憲宗前所立碑版多署大蒙古大朝等號又此碑壬辰立為元太宗圍汴之年時北方隸蒙古人心已定居禎因得以刻石者鳴已功云此碑陽白里木生里迴鳳里皆可為攷元代地名者之助碑立於太宗四年

清和真人石刻

石高二尺九寸廣一尺三寸大字一行行四字末跋七行行三十字正書今在平遙縣

清和子仙字

清和真人嗣掌大教四方簪冠之輩清信之流不遠千里

□受教輻湊

堂下莫不焚香設禮以求請真人親筆仙號手字者僅二十

年間曾不虛日得之者莫不朝夕瞻禮以為保佑辟除之寶焉燕京大長春宮提點大師□志誠意真人年老倦於批寫又慮紙墨歷以□歲易為腐□遂將真人親書仙号手字刻諸翠箋□立於長春宮□以遺將來成不朽之計也且吾邑太平興國觀亦真人住持之地是以提點大師潘德冲亦□彼而立石焉丁酉歲上元日面源散人李□子書跋

按跋為李晉題平遙縣志清和子手書三大字在清虛觀極似長公長春真人西遊記邱長春本王重陽弟子以丁亥七月九日歸真遺語令門人宋道安提舉教門事尹志平副之既而清和大師尹公至自德興宋公謂清和曰吾老矣不能維持教門君可代吾領之清虛受其託是清和嗣掌道教之證清和即尹志平可以得其姓字潘德冲亦

山右石刻叢編卷二十四

四

見西游記為侍行門人號冲和大師又今清虛觀有清和一證也可碑末題丁酉歲上元日西源散人李闕子跋通志金石記丁酉大德元年跋為李晉子益然則可補曰李晉子益跋惟丁酉歲攷為太宗皇帝即位之九年非大德通志誤

王謹成墓志

碑連額高三尺八寸廣一尺六寸三分二十六行行五十字額題故王公墓誌銘六字皆正書今在聞喜縣

王公墓誌銘

東□醫生王□撰

公諱謹成字仲肅□□□邑人世□祖保長□麗□□□□管□而□□方好仁□施□殷冠邑當世保長稱之諱字□□也生二子長曰王一次曰□□□□日辛□一□辛為嗣

○終○生三子長曰永堅次曰謹成即公也又次曰全無子壽終永堅生三子曰溫曰曰江昆仲○侍母孝養晨省等參冬○為人敦厚儉約○孝悌也有家業子孫日有蕃益自古迄今繼○戶首公謹成天性愷悌偉良堂堂事親孝事兄悌重義輕財濟困扶危○人交而必信鄉人○贊曰善後統軍卒為首鎮果敢雄威鎬百發克破於楊葉刀一鼓必合於桑林○策○運籌決勝屢中○名達帝宸勞其○加厚賞

御前特賜金牌宣授定遠大將軍解州節度使○使所○識○可度臨事有○之○案無留事獄不停囚長思已病恥○人過後遷於河南韶陽里擇仁而處得里人之義○亂授招撫使鎮撫保護

《山右列傳卷二十四》

五

中原自洛以西五郡戶民於韶陽北山忠義之寨舍已從人數萬餘口皆得其安名達

帝庭乃遣中○特降宣命授華州節度使公於壬辰年前九月二十五日戰於新門而盡終大丈夫事君之禮畢矣天數固不可逃享年五十一○娶呂氏呂氏在家也勤事女工貞順和○移天也精練婦儀卑讓恭儉從德備笑生二子曰珪曰璋璋不○而遊珪禮良儒推作事可法有學問之必進無益之事不觀○善射有司優○君之忠即旌加後裔特賜繼治招撫使仍○治下人皆美之後至

大朝○定對授征行元帥孟津縣令懸帶銀牌自干戈以來天下焉然○有不覆○嗣者非先○積功累行焉得子孫○威繩繩如也易曰積善之家必餘慶此之明効也君雖

不幸且在世頭子孫說說福祿未艾也一日○珪詣門泣涕而曰小子不肖禍及先人先人遺言志○里○紫金之山○映洞○仙董氏之泊清冷蓼藏孤鷺既承遺語豈敢有違謹命良師○其宅兆而安措之於甲午年八月初六日壬申遷神會葬于此遂我先君之○歟西接舊墳南運故莊背紫金之山面○氏之○顧未有銘○中先人行事先生知之詳矣丐一銘詞以賁泉下庶我先君芳聲之不朽矣子懿其言而喟然長歎而應之曰○誠今

先君近一載矣觀其行事內外恬淡溫良儉讓有禮自律身○宜有以○豈有辭乎遂誌而銘之曰

○哉王氏 卓爾不群 ○有信 行○篤純 克忠克孝 惟○惟仁 臨民侃侃 奉上○良辰安○

《山右列傳卷二十四》

六

○先○ 魂兮安比 克綏永春

大朝戊戌歲五月二十三日征行元帥孟津縣令王珪立

石同立石元帥夫人楊氏

特授○太師○觀○韓○書

管勾人修真觀○志祥

管勾人修真○士許

刊字匠人解子美

校碑題撰人闕碑言公諱謹成字仲廉天性愷悌重義輕財然諾必信為首鎮果敢雄威運籌決勝因之名達帝宸授定遠大將軍領解州節度副使所至以能稱後遷河南韶陽里因家焉遭亂授招撫使鎮撫保護中原自洛以西五郡民於韶陽北山忠義寨因又授華州節度使於壬辰

年前九月戰歿有子二珪章珪承公勳賜繼治招撫使後
歸元授征行元帥孟津縣令懸帶銀牌夜聞喜縣志悉與
碑合惟不紀其戰歿事以續通鑑校之壬辰爲金哀宗天
興元年是時元正經營北方故有新門之戰而所謂新門
者疑距中京不遠當元帥任守真敗死中京人推警巡使
齊克紳爲府篆事藉以防守蒙古兵圍之齊克紳斂兵苦
戰得以退敵證以碑文似所謂戰歿者當卽在此時歿是
年有閏九月故碑稱前九月一統志金初曰河南府置德
昌軍興定元年升爲中京金昌府屬南京路碑又言子珪
承公遺志由孟津而還葬公於紫金之山董氏之泊云云
攷紫金山縣志在縣東七十里盤盤山東接曲沃界董泊
在縣東四十里卽舜時董父參龍之所一名參龍江上爲

山右石刻叢編卷二十四

七

董父廟又按縣志謂裴晉公湖園趙贊翁董澤書是二所
院皆在於此亦可以爲攷古者之一助

均在聞喜而子珪於是時官於孟津家於河南其卜葬而
必還其里者固公夙昔所命亦珪之仰體先志有以克承
也縣志美珪爲敦尚儒雅作事可法其卽以是歿公葬於
甲午年八月碑立於大朝戊戌年五月按是時元代尚無
紀年故以大朝稱之甲午者太宗六年戊戌者又其十年
碑末題特授闕太師闕觀闕韓闕書碑有解州節度副使
華州節度使金史地理志解州貞祐三年升爲節鎮名寶
昌軍華州貞祐三年升爲節鎮軍曰興安謹成於金季劾
節故得爲解州節副華州節度書碑人闕按元初聞喜諸
碑如三靈侯廟長春觀碑皆韓志謹書洞震觀有景雲宮
觀大師韓志謹
此碑有大師字亦當爲志謹書

重修宣聖廟疏

石高九寸廣三尺三寸十七行行字不等草
書末結銜一行十字正書今在潞安府學

重修宣聖廟疏

竊曰

聖人贊天地之庥雖名烈所奕○講春秋之祀持○辟雍况
皇朝自創始以來以文教爲守成之具翕然四海天○已開
獨此一邦儒風未振向也門牆之數僅今而禾黍之一墟不
能興學以化之是豈承流之○耳盍恢前績永贊

皇圖

庚子年秋八月疏

宣差總管安撫使粘合押

碑末題庚子年秋八月疏宣差總管安撫使粘合校庚子

山右石刻叢編卷二十四

八

元太宗十二年元史黏合重山傳欽定本作鈕
祐祿珠順金源貴族

國初爲質子知金將亡遂委質於太祖立中書省以重山
有積勳授左丞相太宗七年從伐宋詔軍前行中書省卒
贈太尉封魏國公諡忠武十年詔其子江淮安撫使南合
嗣行軍前中書省事時大將察罕圖壽春七日始下欲屠
其城南合曰不降者獨守將且其民何罪由是獲免中統
元年兩遷宣撫使不言庚子爲何官此碑安撫黏合疑卽
其人疏有向也門牆之數僅今而禾黍之一墟云云是以
廟久圯而修通志金石記以爲平陽太原總管按平陽爲
李氏世官太原原爲郝氏世官見元史及諸書無黏合也

張安甯墓表

碑高二尺八寸廣二尺二寸二十行
行二十七字正書今在定襄縣邢村

州將張侯墓表

張侯既葬四年墓有碑矣凡侯之有勞於吾州與父兄之所
以不忘者皆述之矣賓客故人念侯平生十□□以為未盡
也故又表而文之而元好問實為之辭曰始予自汴梁客大
名聞之鄉之人知侯之名固欲亟見之歲丁酉秋八月北來
乃以州民見侯侯不以予老且謬若遂將受學者意甚懇貌
甚恭挽予之歸為甚力予承間為侯言予不忘還歸猶痠者
之於起而盲者之於眎也他日幸脫繫維以從吾侯游是夙
昔之願雖然予歸之与否於侯何損益而眷二如是侯曰君
歸而辱教我一言之利吾州之人不受君賜矣乎予謝不敢
當問之州之士人皆曰侯於吾屬悉然不獨厚於予而然也
於是益賢之維侯起田畝間跨弓刀以角逐於分崩離析之

山右石刻叢書卷二十四

九

際出入行陳攻堅擊彊莫有敢敵者其於文墨特略能記姓
名而已治吾州十五年州當朔南之衝營帳驛傳項背相望
勲貴之下奔走從事有便民者必死守而力圖之初不以
威尊命賤而為計也志瞻如此欲侯之略勢位折行輩自屈
於一介寒士之後不階於矯揉不由於姑敷高誓退而遜讓
剛嚴化而和柔蓋亦難矣若夫單貧者業之散亡者合之疾
病者扶之簪嫁者成之喪葬者舉之大望而不靳以涸而不
狀懇切至到終始如一雖大丈夫之篤於好賢者不如是之
備也嗚人情其不美重為風俗所移父不能教其子兄無以
制其弟鄉里督郵輩一奉州檄忽自志其愚不肖屈陶靖節
庭趨者皆是也然則吾屬之報於侯者宜何如哉宜何如哉
壬寅四月吉日書

山右石刻叢書卷二十四

十

按通志金石記九原府元帥張安甯墓表蒙古壬寅元好
問撰即此碑張侯以既葬四年墓已有碑故不書名字文
云張侯治吾州十五年九原為總管府自當任元太宗初
而文但稱為州將自稱為州民臨文便辭也碑近在定襄
而遺山集不收道光中定襄有某太守重刊元集竟未補
入尤可怪定襄縣志張安甯南邢村人元初開國授九原
府定遠大將軍總管大元帥据王磐郝和尚碑忻州戊子
歲升九原府元史郝哈向巴圖傳戊子為九原府主帥則
忻州實以皇子圖類監國之年升府碑又云侯起田畝跨
弓刀以角逐於崩析之際於文特略記姓名而已治吾州
十五年當朔南之衝營帳驛傳項背相望勲貴之下奔走
從事有便民者必死守而力圖之按元史載元初事極
簡如絳陽靳和解州儀氏堅州王兆劉會河津史遷平定
聶珪榮河吳信聞喜王珪定襄周獻臣姚榮焚天勝張安
甯崞州閻德剛李居禎平遙梁瑛趙城徐玉臨縣之袁湘
皆賴碑志之存尚可見其大概洵足補元史之闕廣晉乘
之載有功往籍良非淺鮮後有仿三國志注元史者必於
是乎取之壬寅者元太宗瑪竇錦六皇后稱制之元年碑
云丁酉秋八月北來乃以州民見侯與遺山集太原昭禪
師語錄引歲丁酉八月予自大名還太原合李光廷廣元
遺山年譜蒙古太宗九年丁酉四十八歲是年仍在冠氏
夏往東平秋回忻州營居畢文集有外家別業上冬復回
冠氏蓋遺山將回大名張侯挽留不得已而訂歸期亦足
見張侯之愛才矣壬寅立碑侯歿已四年則侯歿於戊戌

距遺山歸一歲遺山辛丑復回忻州壬寅撰碑時正家居也縣志元張安甯墓在南邢村碑見通志金石記

后土廟重修記

碑連額高四尺二寸廣二尺二寸二十六行行四十五字至四十八字不等正書額題六字篆書今在鄉南縣城內

后土廟重修記

鄉貢進士吉州教授張安石撰

乾庵鄧夫王丕欽篆額

里人退請李楫書丹

太極判而兩儀分兩儀分而三才備清而上者謂之天濁而下者謂之地易曰天尊地卑乾坤定矣中含大道亭毒品彙命于兩間稟氣而生者人也乾剛配天故稱乎父坤柔象地故稱乎母天地於人既同於父母人於天地豈有獨父而不

山右石刻叢編卷二十四

土

母者哉故歷代聖帝明王每以四仲之月至于方嶽極崇告祭所以事天也以天子之職事其天則事父也及季春土旺之日躬詣河汾之陰掃地而祭所以事地也事其地則事母也天地明察神明彰矣

皇天后土國家尚嚴祭祀况郡縣人民者乎

鄉宰后土廟者創自金國大定二十五年移建于茲矣修崇正殿傍列諸神露砌三門無不畢備可謂一方祈賽崑依之地歲時祭享日不乏人已外城陷是廟也焚滅殆盡止存正殿及有崇寧真君之祠以彰靈應厥後凶年人皆逃散以致廟貌疎壞不待風雨瓦解鴛鴦梁摧蟬蛸草帶露而朝泣庭木號風而夜悲日月亡遺孰陳香火闔邑無人僅十餘載至大朝癸巳年權州趙仲劉琮等募民遠集復立城池經畫

田舍漸成倫理有本縣令張漸暨紫川吳善志憫此荒涼樂據丹懇重為修庀及蓋五嶽龍神之位噫人知父母生長之恩而不知天地之恩甚於父母之生長也以母氏之劬勞不過為一己之德况地之博厚含弘光大無所不載無所不生寔應地無疆之德也且五嶽大者以其為天下之鎮四瀆廣者以其貫九州之遠嶽瀆之神尚泰王者之祀為萬民所歸仰我

后土之聖尊為萬物之母經絡江河子孫山嶽皆以長養之仁無出載持之外功德之大豈勝言哉張宰吳公憫其繪像重修廟宇有以答

重祇之德會襄陵李用和來簿是邑刻石傳二人之美姑以斐辭紀其歲月云耳

山右石刻叢編卷二十四

土

皆大蒙古歲次壬寅季秋望日鄉宰縣主簿李用和立石

一復立城 官員 權州趙仲 主簿劉琮 司吏 李

楫 史敬 柴慶 白圭 祇候人 曹信 任寬 王

存 百戶湖海 張全 趙堅 杜榮 百姓高珪等七

十余戶

一醺盡殿 都維那吳善志 副維那 丁二 晉昇

鄭貴 趙玘 龔祥 段松 王美 郭珩 聶珪 劉

祖德 施釘線人白琇 施紗子人東郭仲演

一助緣人 張符 張益 賈祐 馮延 知事費敏修

薛彬 吳屠 王美 鄭玉 李德 李珩 馮偉

席全 王福 龔裕 表進 曹秀 張信 王秀 姜

席全 王福 龔裕 表進 曹秀 張信 王秀 姜

美 王佑 李廸 郭稍 謝二 王客 譚英 郭林

王之才 薛三 劉屠 張進 李翔 張秀 劉宝

曹太 陝祿 晉榮 王進 鄭偲 劉進 康卿

儒人王丕欽 盧鑄 李居敬 醫工王珪 張偉

官太平縣郭全 吉州司候司張椿 韶州南仲 登豐

龐清 許州張琚 陽州賀崇 賀秀 潘子玉 杜秀

郭翥 劉千 王通 尉展 何千 薛二 田鑑

馮祐 楊太

巡檢姚敢

捕盜官張宝

縣令張漸

副達魯花赤齊愛伯

宣差達魯花赤孟昌時

按碑題鄉貢進士吉州教授張安石撰乾庵鄙夫王丕欽

篆額里人退請李楫書丹鄉甯縣志后土廟在治東關金

大定年建與碑云金大定二十五年移建合碑又云已卯

城陷元史史天祥傳已卯權兵馬都元帥蒙古漢軍黑軍

並聽節制下河東平陽河中肯嵐絳隰石吉廓等八十餘

城金史地理志吉州領縣有鄉甯以碑證史此鄉甯以興

定三年陷之證又云大朝癸巳年權州趙仲劉琮等募民

還集復立城池經畫田舍有本縣令張漸暨紫川吳善志

憫此荒涼重爲修蓋五嶽龍神之位云云按癸巳係元兵

克汴之年据碑所云則鄉甯之城復修於癸巳今縣志未

皇祐中以舊縣患河水知縣劉舒即鄂侯故墟移建今治

山右石刻叢書卷二十四

三

明正德壬申知縣趙元榮東西二城門而不及元癸巳復

修城事得此可補其闕碑末題大蒙古歲次壬寅季秋望

日鄉甯縣主簿李用和立石又刻復立城官員權州趙仲

主簿劉琛巡檢姚敢捕盜官張寶副達魯花赤齊愛伯宣

差達魯花赤孟昌時皆可爲考元代掌故者之助碑見通

志金石記

梁秉鈞碑

碑連額高七尺七寸廣二尺九寸二十七行行六十五
字正書額題詒事梁公之碑六字篆書今在平遙縣

評事梁公之碑

中書省選充汾州教授張藻撰

平遙縣教授邢仲元書

鄉貢進士趙徽篆

山右石刻叢書卷二十四

古

公諱秉鈞字仲平古陶麗臺人也自幼治書天性寬厚其行

純粹善與人交鄉曲之間甚有德譽因疾終於家享年六十

生子七人長曰瑜次曰玫三曰瑛四曰珪五曰玠六曰瓊七

曰琮長瑜其性行亦純厚其貞魁然二十四載爲本邑令寬

而有容未嘗見鞭筆及於人故闔郡吏民無不懷愛壬寅六

月十二日因疾卒於官時年五十有八次子玫早喪於鄉里

三子瑛其性正直純儉孝於父母友於兄弟信於朋友又多

勇略其操履迥出於庸流方在壯年會世離亂恥於淹屈慨

然有遠大志戊寅之冬會

大朝太師國王總百万之師開拓疆土自北而來至於并汾

之間偶然得公 國王見而悅之遽然信用相從征伐所

至處無不畏威而下至春班師復歸故地及已卯之秋又

按察那延總軍與公南向征伐由迺牛鳳栖二嶺遂下平陽霍州晉安沁潞等數十餘城又攻太行使其山不得固其險群師馳入又下懷孟等十餘城至辛巳歲入美良境又會天風暴寒冰合黃流而群師平渡遂得神前口慮要地因入陝右又破慎州至己丑年公不遠万里之地躬詣

闕下朝見

上嘉其意親授金牌

宣命令充明安之職掌握兵權及與太傅總領也可那延

宣差萬戶扈從

車駕西入長安鳳翔等路其州郡傳檄而定并宋境同慶白環西和忻州泰安興元等處雖有金城湯池弗能固守亦皆委而去之矣及乙未歲領軍又取階和成鳳及襄陽等處州

山右石刻叢編卷二十四

五

縣靡有或遺丙申之冬又破大安軍由劔閣入西蜀威震四

遠不勞血刃而定次丁酉歲開達梁山忠万等州遠際瞿塘夔府巫山之界所征無敵所向無前如入無人之境得其地乃提士卒凱歌而還至戊戌年西蜀復立其城暨都元

帥重整三軍談笑而定直抵鵬門黎雅木波國界至辛丑歲宋人復守瞿塘之江兵不能進公乃於是計之以皮航因得

而濟之遂破其兵衆散亂投水而去因得其地是以都

元帥知公有深謀遠算又善於用兵故授以万户之職見留鎮守於興元外摧姦寇晏然無事迨乎辛丑之春成都漢州

敗軍之將強伸疲力復立其城公局先鋒突薛那延復入其境如虎熊之蕩犬羊莫之能禦於是生擒四川制置陳公及其下官屬莫非其有也噫公自少從征二十餘年披堅執

銳以身許國而不敢告勞近世以來未之有也四子珪五子珣從按察那延征伐而終六子瓊從大遼郡王征

山東得益都等路數十餘城迨因疾卒於家七子琮繼故長兄為本邑令瑜生棟從國王四方征伐棟一子駟兒瑛

有子三長曰翼權父職征伐次曰羽見習儒業三曰長安瑛子一乞僧琮子三長曰張奴次曰万僧三曰千千信哉積善

之家必有餘慶是以子孫衆多也濟濟鏘鏘顯昂昂枝葉連芳如芝蘭玉樹生於庭階耳鄉人曰有是慶門可無美乎

壬寅七月十有八日諸梁數子求文於僕僕以不才固辭者屢矣辭不得已乃為之記其銘曰

猗歟梁公其貞堂堂周旋中礼不失其常賦性純固守公方世積其德德音孔彰天道福善

山右石刻叢編卷二十四

六

久而益昌說說子孫襲慶之長洋洋佳聲膾炙人口曰茲慶門時亦罕有克忠克孝宜享天

佑立身行道以顯父母繼繼繩繩揚名於後今銘諸石尚傳不朽

維大朝歲次壬寅九月庚戌庚辰朔初六日乙酉孫男梁棟次孫梁翼梁羽

太原路平遙縣長官男梁琮立石

陰陽官馮時泰古陶王岳劉德源

碑

按碑題中書省選充汾州教授張藻撰平遙縣教授邢仲

元書鄉貢進士趙誠篆元史選舉志凡師儒之命於朝廷教諭又志云中統二年始命置諸路學校官以此碑考之則王寅前已有州縣學校官平遙係縣不曰教諭而曰教授皆與元中碑云公諱秉鈞字仲平云云秉鈞見平遙縣統後制不合碑云公諱秉鈞字仲平云云秉鈞見平遙縣

志及元魏初征行都元帥梁公碑魏初碑云父諱秉鈞好與此碑甚有德譽合碑又云生七子瑜玖瑛珪珍瓊琮長瑜其性行亦純厚二十四歲爲本邑令壬寅六月十二日疾卒官時年五十有八校元太平崇聖宮諭旨碑有日本縣長官梁瑜萬戶梁瑛此瑜令平遙之證元中統後寄州縣官皆名曰尹瑜令平遙在未定制前故或曰令壬寅元太宗后馬六眞稱制之一年以瑜卒年五十八考之則令平遙當三十五年當在元太祖之三年金承安八年時元未入中國瑜所受者必金官否則碑有誤文碑云玖早喪其下卽敘瑛之事蹟略與魏初碑同其曰按察那延者元史托音色辰子按陳從太祖征伐凡三十二戰平西夏斷潼關道取回紇塔什干城皆有功歲丁亥賜號國舅按陳那延其曰美良境卽聞喜之美良川

山右石刻叢書卷二十四

七

見新舊唐書通鑑明日美良鄉見聞喜縣志按聞喜不濱河旣得聞喜再南入夏縣平陸芮城境皆濱大河旣渡則入陝州腹地矣其曰楨州者金史地理志同州縣六韓城貞祐三年升爲楨州碑云辛巳入陝右又破楨州爲金興定五年在升楨州後與史合其曰己丑年與太傅總領也可那延宣差萬戶扈從車駕西入長安鳳翔云云元史耶律托輝傳契丹人世居桓州太祖時率眾來歸同飲班珠爾河水拜太傅總領伊克諾延統萬戶扎拉劉黑馬史天澤伐金卒於西河州劉黑馬傳己丑太宗卽位始立三萬戶以黑馬爲首重喜史天澤次之僉太傅府事總管漢軍從征回回河西諸國及破鳳翔西河州諸城堡史云太傅府者卽耶律托輝府亦與碑入鳳翔合考證詳見魏初梁萬戶碑又按元

凡三入成都而後得其地瑛皆始終與其事其曰丙申之冬破大安軍入西蜀者續綱目端平三年九月曹友聞與蒙古戰於陽平關敗績死之蒙古庫騰遂入成都是也續綱目其曰戊戌年西蜀復立其城暨都元帥重整三軍談笑而定者續綱目嘉熙二年八月蒙古軍復破成都而去分注蒙古塔海將兵入蜀制置使丁鑑開之先遣妻于南歸誓死至是塔爾海自新井入詐堅米將旗以旗招之旣審知其非領兵夜出城南迎戰至石筍街兵散力盡而死亦見宋史此碑之都元帥卽續綱目之塔爾海魏初碑之元帥是也其曰辛丑之春成都漢州敗軍之將復立其城公與先鋒突辭那延復入其境於是生擒四川制置陳公者魏初碑續綱目消祐元年十一月成都將田世顯叛以城降蒙古制置使陳隆之死之分注塔爾海汪世顯隆之守蜀旬誓與城存亡部將田世顯潛送款於蒙古乘夜開門北兵突入隆之舉家數百口皆死繼隆之至漢

山右石刻叢書卷二十四

六

州命諭守臣王慶隆之大呼曰大丈夫死耳勿降也遂見殺漢州兵三千出戰城破盡爲蒙古所殺宋元史略同是也元史汪世顯郝和尚傳皆記入蜀事而未及此碑之詳元文類姚燧興元行省夾石公碑辛亥四川制置使余玠輕我師寡率兵入寇都元帥禿辭來援此碑所謂突辭那延者卽其人碑立王寅故敘瑛事止此碑又云四子珪五子珍從按察那延征伐而終六子瓊從大遜郡王征山東得益都等路數十餘城疾卒於家按大遜卽郡王岱遜國益都見元史太祖紀穆呼哩傳碑又云七子琮繼故長兄爲本邑令瑜生棟從國王四方征伐棟一子瑛有子三長曰翼權父職征伐魏初碑子翼次曰羽魏初碑羽太原襲行軍千戶瑛子一乞僧琮子三長曰張奴次曰萬僧三日千千碑爲評事墓碑而述諸子之文詳於

評事十倍述梁瑛之文又於諸子爲詳不謂之慕瑛權勢而作可乎碑立壬寅九月

達磨像石刻

石高一尺八寸廣一尺六寸題字八行行字不等正書今在永濟縣

達磨之像

一衲通身來遊華夏聖諦廓然知音者寡袖手渡江意無取捨九年少室露真機從此高風遍天下

棲巖老人可楫讚

癸卯年三月 日棲巖禪寺維那僧福江 侍者智通立

石

洛陽吳頤刊

按永濟縣志棲巖寺達磨石刻像云是吳肖曹所畫卽此

山右石刻叢編卷二十四

元

刻末刻棲巖老人可楫讚文是此頤可楫所撰校可楫卽元陳賡棲巖寺碑所謂楫公者題年爲癸卯年三月日棲巖禪寺維那云云又疏有解包暫住於棲巖語此楫公是月前已在棲巖之證

河東請欽公疏

石高一尺一寸廣一尺五寸十九行行十六字正書今在永濟縣

河東縣疏

敦請

欽公禪師住持十方

棲巖禪寺爲

國焚修祝延

聖壽者

切以沒蹤跡處須要藏身有意氣時不妨垂手伏惟

欽公長老少林枝葉洞水源流密運靈機親傳心印法戰則煙塵並掃令行則佛祖難存乘木馬以凌空闕泥牛而入海眠雲臥月已聞炙地薰天戴角披毛正好拖犁拽擺下酬衆望上報

皇恩願拈一炷之香仰祝

萬年之壽謹疏

乙巳年三月 日

河東縣主簿石璧

河東縣承趙安仁

河東縣令李伯興

按碑首行刻請欽公禪師住持棲巖爲國焚修云云欽公

山右石刻叢編卷二十四

元

禪師卽瑞峰禪師見陳賡棲巖寺碑云中書大丞相與府牧竭誠勸請欽公禪師按今碑本乙巳年請欽公住持棲巖者共有四疏一爲宣差都總管夾谷義等疏一爲宣差船橋都總管謝堅等疏一爲河中府知府陳寶等疏一爲此疏一僧住持一寺而奉疏者必備文武官吏可爲元初崇釋氏之證末題乙巳年三月日河東縣主簿石璧河東縣丞趙安仁河東縣令李伯興此諸人皆以是年任之證亦足備元代文獻也縣丞刻作承字誤

河中請欽公疏

石高一尺三寸廣二尺二寸二十二行行十三字正書今在永濟縣

河中府疏

敦請

欽公禪師住持十方

棲巖禪寺為

國焚修祝延

聖壽無疆者

竊以祖父田園豈宜荒廢自家手段宜在顯揚幸遇回緣勿令蹉過伏惟

欽公禪師懶牧正嗣清安遠孫飽請少室之宗風鼓蕩曹溪之波浪密移一步普應群機振已墜之玄綱判未了之公案白雲堆裏請拈

佛祖之真機碧岫峯頭仰祝

皇王之聖壽謹疏

乙巳年三月 日

河中府判官高吉

河中府同知謝天吉

河中府知府陳寶

監寺僧至和立石

古桐蘇明刊

按疏為河中府請欽公禪師住持棲巖而撰碑末題乙巳年三月日河中府判官高吉河中府同知謝天吉河中府知府陳寶此諸人皆以是年任之證陳賡棲巖寺碑中書大丞相與府牧竭誠勸請瑞峰欽公禪師者即謂黏台疏與此疏大丞相者指疏題左丞相黏合郡牧者即指此疏陳寶也元麻革行元帥府事謝公碑公諱天吉字鍾祥大元始起朔方留公鎮防為帥兼領蒲政慈以撫民忠於報

山右刻叢編卷二十四

主

國坐鎮邊陲敵不敢犯朝廷命為昭勇大將軍鎮邊大元

帥特賜金符執政蒲郡公卒年五十有九實庚戌七月十

日長子陟武略將軍保德州知州麻革碑止言行河中府事以此碑證之

則天吉實河中同知天吉卒庚戌此碑立乙巳故得有天

吉名疏內白雲堆碧岫峯皆可為考元代晉地者之助

謝堅請欽公疏

石高一尺二寸廣二尺十九行行十字正書今在永濟縣

宣差船橋都總管疏

敦請

欽公大禪師住持

十方棲巖禪寺為

國焚修祝延

聖壽者

竊曰石文呈機何人證據木童舞袖作偈

方知伏惟

欽公大禪師通身手眼出格鉅鉤巖前舊店之重開意外新

奇之過出因緣既遇快便難逢舉揚西祖之風用祝

南山之壽謹疏

乙巳年三月 日

河中府鎮撫軍民都彈壓智全

省差河東南路船橋都水監使趙儀

宣差河東南北路船橋都總管謝堅

核欽公見前此碑末題乙巳年三月日河中府鎮撫軍民都彈壓智全省差河東南南路船橋都水監使趙儀宣差河

山右刻叢編卷二十四

主

東南北路船橋都總管謝堅核至元十一年陳賡棲巖寺碑有宣差平陽路征行兵馬都元帥同知府事兼河中府達魯花赤船橋兵馬都總管謝堅此碑止題船橋總管而無都元帥等銜此爲立碑後又加授官之證元史張萬嘉努傳父扎呼岱從破金有功授河東南北路船橋隨路兵馬都總管萬戶舒穆魯安扎傳中統三年授河中府船橋水手軍總管以立浮橋功也此元初行軍重船橋之證可與此碑謝堅題銜相參考省差者行省所命以別於宣差也

扎古得請欽公疏

石高一尺二寸廣二尺三寸二分
三行行十三字正書今在永濟縣

宣差都總管疏

《山右石刻叢編卷三十四》

敦請

欽公大禪師住持十方

棲巖禪寺爲

國焚修祝延

聖壽者

竊以如來說一藏教皆是筌蹄達磨開五葉花稍通消息若非明眼孰辨正宗伏惟

欽公大禪師坐斷十方壁立千仞與奪總歸杖拂鍛煉自有鉗鎚脫功勳而空劫非家垂方便而通身是手法以無說而說心以非傳而傳已知千木隨身正好逢場作戲中條山下驚散千劫野狐禪飛練巖前竝聞一聲獅子吼更休回互便請承當拈一瓣之名香祝

萬年之聖壽謹疏

乙巳年四月 日

宣差總管夾谷義

宣差萬戶奧屯大哥

宣差河中府船橋隨路軍馬都總管扎古得

按疏爲敦請欽公大禪師住持十方棲巖禪寺而作欽公大禪師又稱爲瑞峯欽公禪師瑞峯老人均互見建棲巖寺並重修佛殿碑陳賡撰棲巖寺碑云寺先請懶牧楫公禪師住持不二載歸逝故又請瑞峯欽公禪師碑僅言致請之故而未及致請之年以此疏參攷知請於元初乙巳年即肅瑪錦后稱制之四年下逮寺成確係二十餘年故陳賡碑有二十餘稔滿目一新之語前後互稽適相吻合疏後列名有

《山右石刻叢編卷三十四》

宣

宣差總管夾谷義宣差萬戶奧屯大哥宣差河中府船橋隨路軍馬都總管扎古夾谷校國語郎瓜爾佳氏奧屯郎鄂屯氏碑題義官總管大哥官萬戶均可以補史扎古據元史張萬嘉努傳父扎呼岱事睿宗於潛邸從破金有功賜虎符授河東南北路船橋隨路兵馬都總管萬戶從西征下興元園嘉定歿於軍扎古或即扎呼岱其河東南北路船橋隨路兵馬都總管與河中府船橋隨路軍馬都總管相似按金以太原爲河東北路平陽爲河東南路元因中府達魯花赤謝堅亦疏作於元肅瑪錦后稱制四年乙巳之四月疑爲寺成摹勒上石

長春觀記

碑高一尺六寸廣一尺八寸二十七
行行二十九字正書今在閭喜縣

初修長春觀記

古桐進士薛邦榮撰

寓南吳修真觀昌黎裔志謹書丹

竊以道為万物之祖德為百行之先道者虛無之系造化之根神明之本天地之源德者天地所稟陰陽所資經以五行緯以四時然則通而生之謂之道道固無名焉畜而成之謂之德德固無稱焉常試論之曰天地人物靈仙鬼神無不從道德而著焉非道無以生非德無以成生者不知其始成者不見其終探奧索隱□□其□入有之末出無之先莫究其朕謂之自然自然者道德之常天地之始也茲者或一日田□□閑遊於涑水之濱河曲之上見一道士狀自非常神彩秀異志誠稽首請問其故道士答曰余乃鐵脚張先生也二

《山右刻叢編卷三十四

五

入□道終日目擊之間如有所得果然覺甘露洒心醍醐灌頂端的有如斯之事也奇哉張公先生者真方外煙霞之侶也遂以師礼事之糾率邑人等乃卜其地立其觀焉名曰長春鳴工治材修其堂殿彩繪塑像儼然一新夫張公先生□於人也以德不以□以誠不以力故邑人等欣然感為之助也富者助其財貧者助其力維市道邑人販鬻之餘競以畚鍤自來赴役者不知其數故其垣墉臺構不日而成之蓋張公先生之德也其斯之謂歟上被

大朝

皇帝膺圖永固宸筭增隆日月無私煥天明於萬國松栢共茂班寶鑑於千秋然後十方三界六道四生一切有情俱登道岸

皆歲次丙午年五月戊午朔二十四日辛巳□上三五都功□□弟子奉行北極驅邪院事道士田志誠立石謹具觀地四至□項 東至官街 西至衛大夫 南至城墻 北至巷道

同住持人李先

本縣次三官石捕盜官李

本縣次官衛

本縣長官賈二

本縣達魯花赤看木虎

都會首平陽路兵馬都總管李

賓山縣匠人蘇明刊

按聞喜縣志補元長春觀記年月失考在南巷卽此碑碑

《山右刻叢編卷三十四

五

首題古桐進士薛邦榮撰昌黎裔志謹書又縣志有長春觀按元初不設科舉邦榮題進士疑亦應太宗九年諸路試者碑末題歲次丙午年田志誠立石又有本縣次三官石捕盜官李本縣次官衛本縣長官賈二本縣達魯花赤看木虎此可見元未設州縣尹時之制通志金石記沁州長官杜豐堅州長官劉會皆是也末曰都會首平陽路兵馬都總管李以元史考之李守賢傳歲戊子朝於和林加金紫光祿大夫知平陽府事兼本路兵馬都總管甲午冬十月卒子毅嗣辛丑朝行在授河東行軍萬戶總管中統三年改河東路總管疑卽其人丙午者定宗元年元初以功鎮地方者皆父死子繼東平之嚴真定之史可證邦榮兒聞喜志元進士又姚燧鹽使徐君碑李瓊將爲亂亡益都傳檄求臣叛王而平陽

總管李穀不思移文太原為忻之監州阿八赤所發兩總管皆誅論見元史據此則元初平陽總管為李氏世官可知穀穀蓋兄弟也本縣長官賈二次官衡後與真觀記署衡前故管民長官賈德全見職管民長官衡安即此二人

朝元觀記

碑高五尺廣三尺二十三行行四十一字正書今在崞縣

朝元觀記

長平進士孫天錫篆額

歲丁未春二月梁鍊師辨疑踵門為予言初

國兵以己卯冬攻破絳陽及解梁屬邑思問自庚辰僑寓雲

朔間當是時

崞山軍節度閻侯德剛經畫略定境內休息頗口方外士周

山右石刻叢編卷二十四

毛

旋所居衛邸里白水出焉侯愛其景氣古澹有終焉之志因以清溪自號幅巾便服香火晨夕有薦思問於侯若謂有所取焉者侯即走書幣以賓禮見招握手而語驩如平生為之開旁口西園規作廬舍以為談經講道之所願謂所親他日道院成與吾松檟相直遠不能一里所沒而有知得神遊於此致足樂也然未幾口下世纔畢垣墉而已今帥歸自

朔庭悼先志未究而尚冥福之可徵也凡徒歲事土木偕作蓋經始於庚寅之七月而斷手於明年之六月像設有位禳繪有壇講授有堂賓御有次下迨門廡庫廡煥然一新參佐部曲諸人請為侯立祠以致甘棠之思眾議思問先住安邑之朝元乃以此觀仍朝元之舊示不忘本也文石既具幸吾子以先友辛溪南教之劉鄧州光甫之故而為之記予諾之

曰侯之事故樂為道之矣子聞黃老家黜聰明去健羨前賢以為大熙與易道何思慮者合自年少氣銳者觀之往往以墮窳不振為嫌及更事既多閱得喪休戚益熟乃稍以淡泊之言為有味迴視世好若芻豢之悅其口者或歎而唾之矣况乎執兵凶器行戰危道奮迅於風塵之隙而角逐於功名之會伏尸流血僅乃得之大方之家方以拱壁馴馬不知坐進此道彼功定天下之半聲馳四海之表且不口渠一笑其下者當置之何地哉故雖文成君之豪桀一旦自視缺然願棄人間口絕粒輕舉以從赤松子游非自苦也維侯知物之不可太私知名之不可外處知權之不可不畏而退之不可不勇故慨然自拔於流俗思欲高舉遠引也如此其所乏者誠信俛仰呼吸煉化以適神而養壽耳雖然尚方飛舄之

山右石刻叢編卷二十四

毛

鳧葛陂投杖之龍世徒以神仙為疑而物化亦自有不可窮者矣異時羽衣翩躚過朝元之上俯華表而留語望五雲而翻翔者汝庸安知其不為清溪翁耶今帥名鎮字國安始以父任作州既而領兵千人隸征西幕府累以戰多為大將軍所知凡萬夫長出師則留攝軍務於太原禹都孫仲陽道風孤峻時人有云門臨濟之目與吾辛劉交甚款辨疑其高弟云望日遺山真隱記

大元中統總鎮太原崞州都元帥加封口口口口口口口口

口

道士梁思問立石

門人知觀事王修仁書

宣差明安懸帶

御前金牌權太原路萬戶闡鎮口口